



禮記集說

大傳

大傳傳禮之大也人道以親親為大而尊
祖敬宗又親親原本不尊祖不敬宗不成
人道此章專論人道而以尊祖為人道之
先圖故開口從禘事說起

禮不王不禘王者禘其祖之所自出以其祖配
之

祭莫重於禘故惟王者得行之蓋王者既立太
廟以祀其始祖又推始祖之所自出而以始
祖配之是其報本反始之心及於無窮所以
為禮之至大也



諸侯及其太祖大夫士有大事省於其居干祿

及其高祖

諸侯五廟太祖百世不遷但及始祖不及始
祖所自出也大夫三廟士二廟一廟必有大
勲勞見察於君君有特恩乃得與於祫祭及
其高祖○大事大勲勞也省察干與也

牧之野武王之大事也既事而退柴於上帝祈

於社設奠於牧室遂率天下諸侯執豆籩遂奔

走追王大王亶父王季歷文王昌不以卑臨尊

也

此記周人祭禮之始郊外曰牧牧外曰野牧
之野謂武王陳師於殷牧外之野也牧野一
伐順天應人天下之大事也既誅紂而退則
有天下而王矣於是燔柴以告天陳祭以告
社設奠於牧野之館室以告行主既告而還
周京遂率天下諸侯執豆籩疾奔走於祖廟
追王先公以天子之號者蓋以子孫卑也父
祖尊也父祖仍其侯號吾儼然以天子之貴
臨於尊者之前其心有所不恐故汲汲於追
王之也

上治祖禰尊尊也下治子孫親親也旁治昆弟

合族以食序以昭繆別之以禮義人道竭矣

治謂理而正之上治之禮隆其祀典以報祖
功所以尊尊又本尊祖之心推及於一祖所

生之人使吾之子孫無不畢治所以親親而
同族中昆弟之倫其人至渙亦旁治之歲有
合食之禮以辨其類而昭穆之班行三者皆有禮
義以為之別凡思之隆殺屬之親疎靡不辨
焉則先王之於人道可謂竭盡而無餘矣

聖人南面而聽天下所且先者五民不與焉一

曰治親二曰報功三曰舉賢四曰使能五曰存

愛五者一得於天下民無不足無不贍者五者

一物紕繆民莫得其死聖人南面而治天下必

自人道始矣

治親即治祖禰子孫昆弟之親也功謂功臣

登庸封建皆報之也賢有德者舉之在位能
有才者使之在職存無遺忘愛慈愛也凡天
下之人皆當存一慈愛之心而不可以殘刻
加之一得快辭與一有元良之一同贍調也
不惟自足又能推其有餘以調不足五事既
得之後不必屑屑焉親民之事而民之利賴
甚厚矣不然五者之中一事舛戾則政敝而
民且莫得其死此治民必以五者為先也然
五者之中治親尤急故聖人南面而治天下
必自人道始矣蓋蒙上文人道竭矣之意而
言

立權度量考文章改正朔易服色殊徽號異器

械別衣服此其所得與民變革者也

權稱錘度量夫尺量斗斛也文章典籍也正者

年之始朔者月之初服之色隨所尚而變易
徽麾通旌旗之屬號即徽之號也徽之號亦
隨所尚而殊異如殷之太白周之大赤之類
器者禮樂之器械者軍旅之器衣服各有章
采時王因革不同此七者以立考改易殊異
別為言是得與民變革者也

其不可得變革者則有矣親親也尊尊也長長

也男女有別此其不可得與民變革者也

子之事親卑之奉尊幼之順長男正位於外
女正位於內此天地之常經古今之達道也
安得與民變革之

同姓從宗合族屬異姓主名治際會名著而男

女有別

此因同姓以明異姓同姓父族也各從大宗
小宗以行燕會之禮聯合族屬而昭穆之序
不紊其異姓之女來歸者亦必繫夫之名而
治交際會合之事夫然後各分顯著上下有
等則長不狎幼卑不犯尊男女有別而閨門
肅清矣

其夫屬乎父道者妻皆母道也其夫屬乎子道

者妻皆婦道也謂弟之妻婦者是嫂亦可謂之

母乎名者人治之大者也可無慎乎

所謂主名者何如夫屬父道者則妻皆母道
而以母名之夫屬子道者則妻皆婦道而以

婦名之此名之正也乃習俗循訛稱謂之間
多有以弟妻為婦者豈兄妻之為嫂者亦可
謂之為母乎是幾居弟於子而以父擬兄矣
夫人之大倫所以克叙而無亂者恃有此名
名之不正將何所據以治人道是可以不致
慎乎

四世而總服之窮也五世祖免殺同姓也六世
親屬竭矣其庶姓別於上而戚單於下昏姻可

以通乎

此此下二節設為問答之詞以明男女有別之意
四世高祖也同高祖者服總麻服窮於此矣
同高祖之父者為五世喪葬之際相為祖免
是滅殺之同姓也同高祖之祖者為六世親

五

屬竭盡并祖免亦無矣自此以后別為氏族
各自為宗不復相稟承焉此可相與通昏姻乎
蓋記者據殷以上設為問辭

繫之以姓而弗別綴之以食而弗殊雖百世而
昏姻不通者周道然也

姓正姓也綴連也食食禮也言庶姓雖別然
有百世不遷之正姓以繫世系而未嘗別又
聯屬族人以飲食之禮而不使殊雖百世之
遠無通婚之事周道然也禮至周而大倫固
當以此為萬世之準則此答上文之詞

服術有六一曰親親二曰尊尊三曰名四曰出

入五曰長幼六曰從服

服術服法也親親尊尊長幼皆據同宗而言
名如母婦妻嫂出入如女在室為入適人為
出之類從服謂非已之正服從於人而為之服
如下文六等之服是也○六服皆有重輕最
親者服最重以漸而疎則漸輕尊尊倣此名
不同服亦不同出入長幼皆有差等所謂術
也

從服有六有屬從有徒從有從有服而無服有

從無服而有服有從重而輕有從輕而重

此言從服之中有此六種屬謂親屬以親屬
故而為親之黨服如妻從夫黨夫從妻黨之
類是也止有服法而無戚誼謂之徒服如妻
從夫而服夫之君妾從女君而服女君之黨
是也有從有服而無服如弟為兄有服而嫂

則無服有從無服而有服如妻於夫之昆弟
無服而于娣姒則服之有從重而輕如妻為其
父母者重如公子厭於君母自為其母練冠輕
矣而公子之妻則為之服期是從輕而重也
○屬從以恩制也徒從以義起也從有而無
從重而輕有所嫌而屈也從無而有從輕而
重無所嫌而伸也皆以恩義權之也

自仁率親等而上之至於祖名曰輕自義率祖

順而下之至於禰名曰重一輕一重其義然也

自由也率循也親謂祿也由仁而言父兮生
我其思特重循而上之以至於祖世漸遠則
漸疎祖之恩若可輕矣由義而言自祖而起
有始祖然後有高曾循而下之以及於祿祖

固祿之所自出也其義不亦重乎一輕一重
揆之於義固有然者是以服術之制遠則漸殺
衰期功麻不可槩齊報反之禮遠則愈崇五
世七世暨於始祖以及始祖之所自出其制
為特隆也

君有合族之道族人不得以其戚戚君位也
君有合族之道篤於親也君之族人雖於君
有親道然不敢以親而親於君者位所限也
庶子不祭明其宗也庶子不得為長子三年不

繼祖也

庶子雖於祖祿為至親然不敢以至親之故
伸其仁孝之念而擅祭祖祿所以明有宗也
嫡為其長子有三年之服而庶子不然蓋以

嫡長有繼祖之誼以尊祖之故而為之服非
庶子所得擬也

七

別子為祖繼別為宗繼禰者為小宗有百世不
遷之宗有五世則遷之宗百世不遷者別子之
後也宗其繼別子之所自出者百世不遷者也
宗其繼高祖者五世則遷者也尊祖故敬宗敬
宗尊祖之義也

諸侯嫡子世繼為君其諸子之別異於君而
為卿大夫者謂之別子別子為後世始祖別
子之嫡世繼始祖而為大宗別子之眾子為
祿祿之長子繼祿而為小宗兄弟宗之大宗

始祖之親始祖之廟以義立而百世不毀小宗高祖之統高祖之服以情盡而五世則遷此宗法由來必本於祖故祖不可以不尊惟尊崇其祖故敬宗子所以敬宗子者正尊崇先祖之義也

有小宗而無大宗者有大宗而無小宗者有無

宗亦莫之宗者公子是也

前所論宗法通言卿大夫大小宗之制此則專言國君之子方一世為公子時上不得宗君下亦未為后世之宗權設宗法以相統領君無適見弟立庶之長者一人為宗禮倣小宗是有小宗而無大宗居有適弟立之為宗一倣大宗之禮行之不以小宗之禮待其庶子是有大宗而無小宗若公子唯一無他公

子為宗亦無他公子來宗於己是無宗亦莫之宗也此三事者惟公子有之他人則無故曰公子是也

公子有宗道公子之公為其士大夫之庶者宗其士大夫之適者公子之宗道也

公子不得宗居又無后嗣原無宗道可言據上所言三者則公子有宗道矣所以者何蓋公子之公初立為君以羣公子未有統屬不為之制則合族之道必有廢墜而不舉者故設立宗法以統馭之使其士大夫之為庶者宗其士大夫之為適者此公子所以有宗道也蓋事出於權故有上文三者之異絕族無移服親者屬也

絕族謂無後之族其人無後喪葬之儀當無
為之主者親屬之人或不循碁功總服之制
而輒有改移人情大抵然矣記者動以親誼
言此絕族之人與我親誼相屬喪服自有定
制豈可因其無後而改移也

自仁率親等而上之至於祖自義率祖順而下
之至於禰是故人道親親也親親故尊祖尊祖
故敬宗敬宗故收族收族故宗廟嚴宗廟嚴故
重社稷重社稷故愛百姓愛百姓故刑罰中刑
罰中故庶民安庶民安故財用足財用足故百

志成百志成故禮俗刑禮俗刑然後樂詩云不
顯不承無斁於人斯此之謂也

九

自仁而言父兮生我等而上之以至於祖皆
有親誼自義而言繇始有祖循而下之以
於祿思隆罔極是故人之為道莫親於親而
祖者親之所自出也敢不尊乎宗者祖之所
繇繼也敢不敬乎既敬宗必尚敦睦以收同
族既收族必崇報本反以嚴宗廟宗廟與社
稷相為倚重者也嚴宗廟必重社稷百姓與
社稷共為安危者也重社稷必愛百姓既愛
百姓必不忍重法以殘民矣刑罰豈有不中
刑罰既中庶民得安安生樂業之民豈有不
足之財用矣財用不匱百事以遂而志乃克
成於是乎民有禮俗以相儀刑上下共遊於

熙洽之天矣豈不樂乎引詩德光顯而民尊
奉則無厭數於人以明其為治平之極功也
原其所始本於親親之一念故聖南面而治
天下必自人道始矣○註刑猶成也數厭也

